

ЛОЛА НОРҚУЛОВА

БАХТИМ ҚУШИҒИ

Шеърлар

Қарши
„Насаф“ нашриёти
2004

84(5Ү)6-3

Шеър билан дунёни мушоҳада этиш инсонни кўнгил ростгўйлиги билан рўбарў этади. Бу учрашувда сўзни эъзозлаган одамгина ўз фикрини кўплар билан баҳам кўрмоғи мумкин. Ёш ижодкор Лола Норқулованинг ушбу “Бахтим кўшиғи” китобидаги шеърларда кўнгилдаги энг покиза туйғулар тараннум қилинган.

1031205
00
82



Н 4702620201-304 304-2004
376 (12) 2004

© Л. НОРҚУЛОВА - 2004 й.

ISBN 5-7323-0505



Лола Норқулова 1980 йил 1 июлда Нишон туманининг Наврўз қишлоғида туғилган.

1997 йил А.Навоий номи 12 - ўрта мактабнинг 11-синфини тамомлаган. 1998 йилда 11-Касб-хунар мактабини имтиёзли диплом билан тамомлаган.

2003 йил Қарши педагогика билим юртининг бошланғич синф ўқитувчиси бўлимини тугаллаб, ҳозирги кунда Нишон қишлоқ хўжалик касб-хунар коллежида ўқитувчи бўлиб ишлаб келмоқда.

Муҳаббат яшарар лаҳзама-лаҳза,

Муҳаббат олами гул каби қучар.

Муҳаббат атрига қўлим текизсам,

Капалак мисоли омонга учар.



БИЛАМАН

Баҳорнинг шамоллари эмин-эркин учарлар,
Қир-адирлар тўшини қизғалдоқлар кучарлар.
Бир кун менинг бошимга тушса зиғирдек савдо,
Сирдошларим аввало, тоғдан нари кўчарлар.

Кўзимга кўхна дунё тор бўлади қанчалар,
Орзуларим зим-зиё худди тошдек қотади.
Кўнглимни овутишга кимдир ҳамдард бўлади,
Шунда биламан аниқ онам ғамга ботади.

Муҳбатга ҳеч қачан, зор бўлмасин ҳеч кўнгил,
Кўз ёши дарё бўлиб, сўнмасин бахт қуёши.
Ғаниматдир бу дамлар, омон бўлсин ҳар киши,
Тоғгани ҳалол бўлсин, тўкилмасин ҳеч оши.



СЕВГИЛИМ

Сенга надоматим йўқдир севгилим,
Ташлаб кетма зинҳор худди гул мисол.
Вайрон бўлар қалбим хазонрезгидай,
Бахтимнинг ҳар барги нетўнгики увол.

Сендаги журъатга қиламан ҳавас,
Сеҳрлай оласан дуч келсак дилим.
Менда-чи, йўқ эрур бир калима сўз,
Ҳислар занжирига тушади тилим.

Бир куни кўзимга тўлса бу тупроқ
Ва бирга орзуйим кўмилса мутлоқ.
Сен менинг дардимни биларсан шунда
Ва қалбингга тушар бир олам титроқ.

Кўлимда қалам, ўйлайман узоқ,
Дунёга келганим кимнингдир бахти.
Ахир кўнгил кўнгилни севса,
Гуллагай ҳамиша тақдирнинг тахти.



БАХТИМ ҚҶШИФИ

Гулларга боқаман такрору такрор,
Менинг қарашимда йўқ ахир малол.
Мен ҳам айта олсам туриб бемалол,
Мен жуда севаман, сени эй баҳор.

Қизил гулга боқсам баъзида ёниб,
„Севганинг борми, гул?“ дея сўрайди.
Юрагимда армон ётар уюлиб,
Гўё бошим узра осмон нурайди.

Вақт ўтар ҳамиша орқага боқмай,
Қуёш саховати тугамас сира.
Биламан, ухلامас менинг қалбим ҳам,
Бахтим қўшиғини куйлаб тонг отар.



БОЛАЛИК

Қизғалдоқлар пойгинамга поёндоздир,
Қир-адирлар гўшасига сиғмас улар.
Қапалақлар учар эркин қанот ёзиб,
Оҳ, қалбим ҳайратингдан майсалар кулар.
Болалигим, сени яна излаб келдим,
Остонамга бошим уриб бўзлаб келдим.
Ҳаётда мен гоҳи топдим, гоҳ йўқотдим,
Чексиз уммон орзуларга ўзим отдим.
Энг лаззатли дамим экан болалигим,
Ўша ширин дамларимни мен йўқотдим.
Болалигим, сени яна излаб келдим,
Остонамга бошим уриб бўзлаб келдим.
Остонамнинг ҳар қаричи олтин экан,
Бугун буни англаб турар юраккинам.
Мени яна майсазорга бошлармикан,
Афсунларга тўла ҳажжи эртаккинам.
Болалигим, сени яна излаб келдим,
Остонамга бошим уриб бўзлаб келдим.



О Н А Ж О Н

Тонгда туриб гуллар экаман,
Йўлингизга кўзлар тикаман.
Сиз томонга назарим тушса,
Гўёки мен учиб кетаман.

Ҳар лаҳзада сочингиз силаб,
Худойимдан умр тиласам.
Биз фарзандлар бефарқмиз баъзан,
Дўстлар гапнинг сарасин айтсам.

Йиғламаган кўз ёшларингни
Онажоним, майли менга бер.
Сен йиғлама, бу мен учун оғир,
Фақатгина кулибгина юр.



МЕН КЕЛДИМ

Сен учун яшагум, жоним азизим,
Сен учун талпиндим мангулик йўлга.
Фақат сенинг билан ҳаётим ширин,
Жоним, сен эришдинг муҳаббатимга.

Қўнгил торларини чертдим бирма-бир,
Наҳот пайванд бўлса, дилинга дилим.
Шу топта бир сўзни сўзлайди тилим,
Фақат сен эришдинг муҳаббатимга.

Муҳаббат йўлида сарсона бўлдим,
Севдиму севилдим мастона бўлдим.
Азизим, мен келдим охир қошинга,
Фақат сен эришдинг муҳаббатимга.



МУҲАББАТ

Муҳаббат вужудда ёнади лов - лов,
Муҳаббат - кўнгилга таянчдир инон.
Муҳаббат - гоҳ бахт, гоҳида азоб,
Муҳаббатдан гоҳо инсон шоҳ эрур.

Муҳаббат - баъзида қароғда ёшим,
Муҳаббат - пинҳона менинг дардкашим.
Муҳаббат йўлида сафарга чиқсам,
Муҳаббат тилида шартдир сўзлашим.

Муҳаббат яшарар лаҳзама-лаҳза,
Муҳаббат оламини гул каби кучар.
Муҳаббат атрига қўлим текизсам,
Капалак мисоли осмонга учар.



ИСТАК

Қанийди дарахтдек соя беролсам,
Бирор инсонга тегсайди нафим.
Қанийди қип-қизил атиргул бўлсам,
Севишганлар сезса нафасим.

Қанийди булбулдай боғларда шодон,
Сайрасам, чечаклар отсалар хандон.
Қанийди ҳофиздек хиргойи қилсам,
Ошиқ қалблар дардин бир зумга тилсам.

СЕВГИ

Учрашдик илк бора дарё бўйида,
Кўзинга кўз тушди севдимми шу он?
Севгининг нелигин билмаган юрак,
Шу топда кўзингдан топгандир макон.



ГУНОҲ

Айтсам, азизларим, барчамиз гувоҳ,
Босган қадамимиз гоҳида гуноҳ.
Шайтон йўлларига кирганда баъзан,
Кейин пушаймон еб излаймиз паноҳ.

Ҳатто ҳаётда мен ўз падарига,
Бир бор қўл кўтарган касларни кўрдим.
Ҳатто волидаси қадрига етмай,
Кўзини кўр қилиб қўйганин кўрдим.

Кўриб туриб унутамиз гоҳида,
Шафқат талабларни босиб ўтамиз.
Эрта бир кун биз ҳам шу ҳолга тушсак,
Кимга ёлворамиз, айтинг нетамиз?



ЙИҒЛАМАНГ

Яшадимми, демак изим қолади,
Халқ учун айтилган сўзим қолади.
Бир куни бандасини оллоҳ олади,
Ёлвориб сўрайман, йиғламангизлар.

Ўлимдан кўрқмасман ҳаётда, лекин
Умр кўпригидан ўтарман секин.
Майли хазон мисол тўкилсамда мен,
Ёлвориб сўрайман, йиғламангизлар.

Хотира болалик юрган кўчалар,
Онажоним алла айтган кечалар.
Ёшлигимда қурган гўзал уйчалар.
Ёлвориб сўрайман, йиғламангизлар.



АРМОНЛИ ДУНЁ

Бошимга солди савдоларини,
Қалбимга солди наволарини.
Армонли дунё бу, армонли дунё,
На сенга, на менга, қилмади вафо.

Осмон йиғлади вужуди қора,
Булбул сайради ҳасрати нола.
Лек қалб қўшиққа боргайдир тўлиб,
Демак, орзуйим қолмабди сўлиб.

ОНАМГА

Гўдаклик чоғимда заҳматлар чекиб,
Бошимга парвона бўлгандир онам.
Энди қадам қўйиб тилга кирганда,
Йўлларимга гуллар эккандир онам.

Онамни ўхшатдим ҳатто қуёшга,
Олтину зебу зар, қимматли тошга.
Қалдирғоч қаноти энг гўзал қоши,
Энди кўргиликлар кўрмасин боши.

Онажон, минг бора сўрайман узр,
Сизсиз гўзал ҳаёт бир чимдим туздир.
Фалакка илтижо қилиб ўтирган,
Ўша сиз яратган камтарин қиздир.

Онанинг қадрига етган қиз учун,
Бир умр сўрайман жаннат нурини.



А К А М Г А

Акажон, мен сизни қаттиқ соғиндим,
Қанийди шамолдек елиб келсангиз.
Аммо сиз, нетайин жуда олисда,
Акажон, мен сизни қаттиқ соғиндим.

Юрак қурғур бўзлар бўзтўрғай каби,
Тўйларда ўрнингиз жуда билинар.
Ёрингиз армонда-ёлғиз қалдирғоч,
Унинг дили ҳар кун минг бор тилинар.

Ота-онам қақшаб сассиз йиғлайди,
Опа-сингилларнинг кўкайи кўқдир.
Оғалар кўксида тоғ каби армон,
Уларнинг ёнида энди сиз йўқдир.


Акажон, мен сизни қаттиқ соғиндим,
Қанийди шамолдек елиб келсангиз.
Аммо сиз, нетайин жуда олисда,
Акажон, мен сизни қаттиқ соғиндим.



МУҲАББАТ ОНТИ

Ҳар лаҳза эсласам юрак энтикар,
Дунёнинг ғамини бир зум унутар.
Вафосиз кўнгилни севги тарк этар,
Зулмат тўла қалбга зоғлар кеб кетар.

Севги шаробидан симирдим бугун,
Гулларнинг нафаси нақадар майин.
Висол деб аталган онларга мадҳим,
Мен сени севаман севганим сайин.




Сену

Кечаги кун ҳамон ёдимда,
Бир зумгина бўлдинг ёнимда.
Оҳиста бош қўйиб елкамга,
Дединг: "Яшаяпсан сен ҳаётимда".

Мен

Ишондим ахир мен муҳаббатингга,
Жоним ҳам сеники деган аҳдингга
Курашгум толею ҳатто бахтим чун
Севгилим бор бўлгин менинг бахтимга.

МАТН.РУ





ШЕЪРИЯТ

Шеърият кўнгилнинг изҳори эрур,
Шеърият оддий сўз “она” мисоли.
Шеърият дostonдир алплар ҳақида,
Шеърга айланмаган ҳисларим қанча.

Бошимга тушган паға-паға қор,
Баъзилар ўйлади сочнинг толаси.
Ўша оппоқ қор ҳам қўшиқдир балки,
Балки сукунатнинг сўнгсиз ноласи.

Шеърият инсонни сирдоши-ёри,
Оғир дамларда бўлғуси қанот.
Шеърият назмда дардимдир менинг,
Шеърият-балки сен абадий ҳаёт.



МЕН СЕВАМАН

Айтинг- айтинг ўланларни айтишмасин,
Менинг кўнглим аз: тутган бу кечада.
Қолди менинг севгим-эзгу тилақларим,
Мени бахтдан жудо қилди ким бўлса-да.

Ҳаёт чархинг айланади-айланади,
Қилмишингдан саҳроларга қочгим келар.
Ҳар саволим менг жойидан байланади,
Юрагимни чил-чил қилди ким бўлса-да.

Мажнунтолдек бошим эгиб туrolмайман,
“Бахтлимисан, жоним?” дея сўролмайман.
Бугун сенинг қўлларингдан ўзга тутар,
Нетай энди, тонгни бирга кутолмайман.

Айтинг-айтинг ўланларни айтишмасин...



Т О Н Г

Тонгда турдим ой мўралаб осмондан
Гўзаллигин кўз-кўз қилиб турарди.
Оллоқ булут этагига битталаб,
Юлдузларни гўё териб юрарди.

Гўзал тонгдир сениг хандон отишинг,
Гўзал тонгдир сенинг менга боқишинг.
Қани энди билсанг жоним жаҳоним,
Тонгда сайр қилишлар менга ёқишин...



О П А М Г А

Гоҳида сизмадим шу кенг дунёга,
Учиб кетгим келди баланд самога.
Қайтара олмасди ҳатто севгилим,
Дардимга шеригим бўлса гар опам.

Опам дер менга боқиб: „Жоним синглим“,
Жонингга жон тикай, қадрдон синглим.
Атрофга боқ қандай олам мунаввар,
Оллоҳим қўллагай кимда истак бор.

Сабрнинг доимо меваси олтин,
Йўлингга муаттар таратар райҳон.
Ҳар ишинг эзгудир, ниятинг холис,
Мушкулинг ҳамиша бўлади осон.

Опамнинг ҳар сўзи қалбимга қувват,
Ишончим ортади яна дўстларга.
Яна шеърга шўнғиб кетади кўнглим,
Қайрилиб боқмайман каму кўстларга.



БОЛАЛИК

Капалак сингари учардим эркин,
Кувончдан сакрардим оху сингари.
Андух нималигин билмай юрардим,
Орзуларим учарди яна илгари.

Сен-чи, болалигим, шаршара мисол,
Қиру адирларда шамолдек елдинг.
Агар дилгинингга келмаса малол,
Айт-чи, нега бугун ёдимга келдинг?

Сен ҳақингда биттим бугун шеър,
Ҳаёт сарҳадини кезиб сен юргин.
“Мен сендан кетаман”, деган сўзингни,
Ёлвораман бир оз ишлатмай тургин.

МУНДАРИЖА

Биламан.....	4
Севгилим.....	5
Бахтим қўшиғи.....	6
Болалик.....	7
Онажон.....	8
Мен келдим.....	9
Муҳаббат	10
Истак.....	11
Севги	11
Гуноҳ.....	12
Йиғламанг.....	13
Армонли дунё.....	14
Онамга.....	14
Акамга.....	15
Муҳаббат онти.....	16
Сену.....	17
Шеърят.....	18
Мен севаман.....	19
Тонг.....	20
Онамга.....	21
Болалик.....	22

Адабий-бадиий нашр
ЛОЛА НОРКУЛОВА
БАХТИМ ҚЎШИФИ

Шеърлар

Муҳаррир: Йўлдошбек Кенжа
Техник муҳаррир: Самандар Мусаев
Мусахҳиҳ: Мусо Тўлаганов
Компьютерчи: Алиёр Муродов

ИБ № 0826

Теришга 21. 12. 2004 йилда берилди. Босишга 28.12. 2004 йилда рухсат этилди. Бичими 60x84 $\frac{1}{32}$. Газета қоғози. Офсет усулида чоп этилди. Шартли босма табоғи 2,02 Шартли бўёқ-оттиск 2,03 Нашр босма табоғи 2,00. 500 нусха. 98 -шартнома № 03 -буюртма. Эркин нархда.

„Насаф“ нашриёти, 730018, Қарши шаҳри, Мустақиллик шоҳ кўчаси, 22-уй.

Графика “МЧЖ”

730018, Қарши шаҳри, Мустақиллик шоҳ кўчаси.